

Na osnovu člana 26. stav 4. Zakona o visokom obrazovanju ("Sl. glasnik RS", broj 85/06 i 30/07), a u skladu sa Statutom Visoke škole „Koledž za informatiku i menadžment Janjoš“ Prijedor, Senat je na sjednici od 24.9.2007. donio

KODEKS PONAŠANJA STUDENATA VISOKE ŠKOLE „KOLEDŽ ZA INFORMATIKU I MENADŽMENT JANJOŠ“ PRIJEDOR

Član 1.

Kodeks sadrži odredbe o pravilnom ponašanju studenata tokom studija u svim prilikama, u skladu sa dostojanstvom i ugledom Visoke škole „Koledž za informatiku i menadžment JANJOŠ“ Prijedor (u daljem tekstu: Visoka škola).

Član 2.

Studenti Visoke škole (u daljem tekstu: studenti) preuzimaju časnu obavezu pridržavanja ovog Kodeksa.

Član 3.

Studenti su obavezni:

- čuvati ugled i dostojanstvo Visoke škole, nastavnika, saradnika, zaposlenih i studenata;
- prisustvovati predavanjima, vježbama, praktičnoj nastavi, seminarima i ostalim oblicima nastave definisanim nastavnim planom i programom, te pravilima studija;
- prisustvovati sjednicama organa Visoke škole čiji su članovi;
- ponašati se kulturno i korektno prema nastavnicima, saradnicima, zaposlenim i studentima;
- poštovati pravila ponašanja u prostoru Visoke škole (učionice, računarske sale i drugi službeni prostor);
- čuvati imovinu i okolinu Visoke škole

Član 4.

Svi studenti imaju:

- jednaka prava u obrazovnom procesu, bez obzira na rasu, nacionalnost, vjeru, pol, politička i druga uvjerenja i nazore, socijalni ili neki drugi status,

- u skladu sa zakonskim propisima i etičkim načelima akademskog građanina;
- pravo na sigurnost i poštovanje osobe i ličnog integriteta;
 - pravo na udruživanje;
 - pravo na dostupnost akata Visoke škole koja regulišu pitanja studija i studenata;
 - pravo na kulturn i dostojanstven odnos nastavnika, saradnika i zaposlenih;
 - pravo na prigovore i žalbe u slučaju kršenja kodeksa naspram studenata;
 - pravo na potpunu realizaciju nastavnih programa i nastavnih planova i aktivnoučestvovanje u nastavnom procesu;
 - pravo na učestvovanje u naučno-istraživačkom i stručnom radu;
 - pravo na učestvovanje u odlučivanju o svim studentskim pitanjima ili preko izabranih predstavnika;
 - pravo na učestvovanje u vannastavnim aktivnostima u sferi kulture, umjetnosti, sporta u zemlji i inostranstvu (stručne konferencije, seminari, savjetovanja, susreti studenata, ekskurzije i slično).

Član 5.

Neprihvatljivim ponašanjem studenata smatra se:

- kašnjenje, nedolazak ili napuštanje bilo kojeg oblika nastave i neispunjavanje drugih nastavnih obaveza;
- ometanje nastave;
- neopravdani izostanak sa sjednica tijela čiji je student član;
- prouzrokovanje štete u manjem obimu namjerno ili krajnjom nepažnjom;
- neprikladno oblačenje.

Član 6.

Pod ponašanjem studenata koje podrazumijeva pokretanje disciplinskog postupka podrazumijeva se:

- falsifikovanje isprava, potpisa, kao i isprava za ostvarivanje prava studenata (indeksa, prijave, potvrde i slično);
- davanje neistinitih podataka nadležnim osobama i tijelima Visoke škole ili ostvarivanje nekog prava koje ne pripada studentu po važećim propisima;
- oštećenje ili otuđivanje imovine Visoke škole;
- izazivanje nereda i tuče ili učestvovanje u neredu ili tuči u prostorijama Visoke škole ili van istih;
- uzimanje alkohola, droga ili njihova prodaja i puštanje u promet;
- polaganje ispita za drugu osobu ili krivo predstavljanje, te zloupotreba elektronskih pomagala radi polaganja ispita i drugih sredstava;

- nedopušten pristup kompjuterskom sistemu i sva djela u suprotnosti s moralnim normama prihvaćenim u društvu, kao i djela koja su propisana zakonom kao kažnjiva djela.

Član 7.

U slučaju povrede jedne od tačaka člana 6. Kodeksa ponašanja protiv studenata se pokreće disciplinski postupak.

Disciplinski postupak pokreće direktor na pismeno obrazloženi prijedlog nastavnika i saradnika ili bilo koga iz reda zaposlenih na Visokoj školi.

Direktor imenuje Komisiju od tri člana (jedan član iz reda studenata) koja treba da odredi težinu prekršaja i u skladu sa tim predloži odgovarajuću disciplinsku mjeru.

Rješenje o izricanju disciplinske mjere donosi direktor. Najblaži oblik disciplinske mjere je javna opomena, a ona može da podrazumijeva zabranu izlaska na sve ispite naredna dva ispitna roka.

Najoštriji oblik disciplinske mjere podrazumijeva isključenje studenta, te isti gubi status studenta, kao i sva prava koja taj status podrazumijeva. Student može biti oslobođen od odgovornosti ili se može obustaviti disciplinski postupak.

Odluka iz ovog člana, s obrazloženjem, mora sadržavati i pouku o mogućoj žalbi u roku od 15 dana, koja se upućuje Senatu.

U slučaju žalbe od strane studenta, Senat razmatra žalbu i donosi konačnu odluku o disciplinskoj mjeri na koju se isti ne može žaliti.

Član 8.

Ovaj Kodeks stupa na snagu danom donošenja.

Predsjednik Senata

Prof. dr Đuro Mikić